
ФАРҒОНАДА “ЭЗГУЛИК МАНЗИЛИ” ХАЙРИЯ АКЦИЯСИ БЎЛИБ ЎТМОҚДА

Болаларни қўллаб-қувватлаш жамоат фонди томонидан Фарғона ҳамда Қўқон шаҳрида ташкил этилган мазкур тадбир 14 августдан 20 августга қадар давом этиши белгиланган.

Мақсад вилоятда яшовчи эҳтиёжманд, кам таъминланган, шароити оғир оилалардаги бемор болаларга консултатив ва ихтисослаштирилган тиббий ёрдам кўрсатиш, шунингдек, жамғарманинг тиббий дастурларига асосан оғир ташҳисли бемор болаларни даволаш, бепул дори-дармон воситалари билан таъминлаш, уларнинг саломатлигини мунтазам тиклаш, жарроҳлик йўли билан даволанишга муҳтож бўлган бемор болаларда мураккаб операция амалиётларини ўтказишдан иборат.

Бу акцияга Тошкент педиатрия тиббиёт институти клиникасининг тажрибали ёш шифокорлари жамоаси жалб этилган.

“Акция доирасида 400 нафарга яқин бемор болалар тиббий кўрикдан ўтказилди. Уларга юқори малакали мутахассислар томонидан пластик хирургия, кардиохирургия, офтальмология, отоларингология, ортопедия, травматология йўналишлари бўйича чуқурлаштирилган тиббий текширув ва маслаҳатлар берилди. Ўтказилган тиббий кўриklar натижасида жами 53 нафар бемор болалар операция ўтказиш учун ажратиб олинди, шу ернинг ўзида жарроҳлик амалиётлари ўтказилади”, - дейди вилоят болалар кўп тармоқли тиббиёт маркази бош шифокори Шаҳобиддин Қўчқоров.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2022-08-17 10:35:35